



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr. 245/2014

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ymer Hoxha kryesues, Muhamet Rexha dhe Ferit Osmani anëtarë, duke vendosur përkitazi me ankesën e Petrit Lila nga Komuna e Prishtinës, paraqitur kundër KQZ- së, për shkak të pa mundësisë për të votuar, për Zgjedhjet e Parakohshme në Republikën e Kosovës, në seancën e panelit të mbajtur me dt. 09.06.2014, mori këtë:

VENDIM

Refuzohet si e pabazuar ankesa e Petrit Lila nga Komuna e Prishtinës.

Arsyetim

PZAP-i, ka pranuar një ankesë më datë 08.06.2014, Petrit Lila nga Komuna e Prishtinës, me të cilën pretendon se me datën 08.06.2014, në Qendrën e votimit në Sh.F."Hasan Prishtina" ka shkuar të votoj dhe ta kryej obligimin qytetar. Gjatë procedurave – llampa ultra vjollcë – tregon shenja në dorën e tij se ka kryer këtë obligim më herët. Mirëpo ai thekson se me herët në një Qendër Votimi tjetër ai i ka asistuar prindit të tij i cili është i sëmurë (i verbër) të votoj dhe aty i është spërkatur dora nga punëtorja e KQZ-së,

PZAP-i, pasi që shqyrtoj dhe analizoi shkresat e lëndës gjeti se:

ankesa është e pabazuar

Me ankesën e parashtruar nga Petrit Lila pretendohet se, në Qendrën e votimit ju ka mohuar e drejta për të votuar në ditën e Zgjedhjeve më datë 08.06.2014.

PZAP-i, gjeti se pretendimet e tilla ankimore nuk qëndrojnë, ngase pohimet e lartcekura nga parashtruesi i ankesës nuk janë objektive, për arsye se nuk është ofruar asnjë dëshmi me të cilën do të vërtetohej një pretendim i tillë ankimorë, shikuar sipas dispozitës së nenit 3.6 pika c) e Rregullave dhe Procedurave të PZAP-it .

PZAP-i, konstatoi se një pretendim i tillë është i përgjithshëm dhe i pa qartë për tu administruar si provë relevante prandaj ankesa vlerësohet si e pa bazë duke u bazuar në nenin 118 paragrafi 1 të LQP-së, lidhur me ankesën e lartë përmendur u vendos si në dispozitiv të këtij vendimi.

Paneli Zgjedhor për Ankesa dhe Parashtrësia në Prishtinë

Anr.245/2014 më datën 09.06.2014

**Kryesuesi i Panelit
Ymer Hoxha**



Udhëzim Juridik:

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoha e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.